

كلماتى والرهوى

هناء صبرى

مؤسسة يسطرون للطباعة والنشر والتوزيع



رئيس مجلس الإدارة

عماد سالم

المدير العام

أحمد فؤاد الهادي

مدير الإنتاج

أحمد عبد الحليم

الطبعة الأولى

الكتاب : كلماتى والهوى

المؤلف : هناء صبرى

تصنيف الكتاب : شعر

المقاس ٢٠ × ١٤

رقم الإيداع : ٢٣٥٩٨ / ٢٠١٧

التزقيم الدولى : 5 - 543 - 776 - 977 - 978

العنوان : المكتبة والمطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١٢٢٩٣٠٠٠٢٩ - ٠١١٥٧٧٦٠٠٥٢

Email : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

الإهداء

إلى أختي إيمان وأمي الروحية وأستاذتي في هذه الدنيا
من تذوقت علي يديها جمال الحرف وتربت روحي علي
سماع كلماتها..

اهديكِ هذه الحروف عرفانا مني واعلم أن نجاحي هو
نجاح لك أنتِ

نقشتي حروفك علي جدار عمري وأنا سطرتها علي
ورق... فلك أهدي هذا الكتاب..

obeikandi.com



متطرفة فى الحب

أعترف أنا أنى منذ أحبتك أصبحت متطرفة فى
الحب، سادية العشق

متقلبة المشاعر فى كل لحظة لا تتوقع منى رد فعل

أصابتنى عاصفة رعدية ألهمت كل ثنايا القلب

أمتلك كل أنانية الكون حين سقطت فى قلبى أول
نظرة حبّ منك

ولما أنكر أنى أستحق الشنق والموت

على الملأ حاكمونى وسأعترف

سأعترف أن من أحبّت رجلٌ مثلك لا ينقذها من
الجنون بك وفقدان العقل سوى الموت

راضية أنا بموتى من أجل عينيك ولحظة عشق
تسرى فى القلب ولمسة منك بعدها أزهد فيها عن
كل شيء

أمتنى فىك وأحبنى فقط بين تلك الذراعين



أكون أو لا أكون

أكون أو لا أكون

مش هاقبل أكون فى كونك شيء مـركون

لما تحب تشوفه أو يسعد لك يومك يكون

حب للحاجة حب مالوش عندى لزوم يكون

وجودى فى حياتك لو ماكنش أهم حاجة

فمالوش حبك عندى لزوم

أنا قلبى مش ملك يمينك

ولا موجود يطرى عليك حر حياتك فى يوم

أكون فى يومك

فى تعبك

فى انشغالك

فى الهموم

أرضاً أكون

لكن هتخلينى لما يجيلك مزاجك

تعملنى حب حياتك

فى لحظة وتفتوت

مش هاكون أبدا فى يوم لحظة وتفتوت

مش هاكون

obeikandi.com



اشتياق يفضحة العيون

حينما بدا هو بإلقاء السلام بيديه وابتدأ الحديث،
لم تنظر هي إلى عينيه بعد فترة من البعاد، لم يرتضِ
منها أن تبعد عينيها، تتحول عن عينيه وكأنه
أمسك بأهدابها وأجفانها لتلتقط شوق عينيه، فإذا
بها مرغمة طاعة كأنها أصابها سحر، ألقت له
طوق النجاة بنظرها له، فرأت كيف يكون معنى
الاشتياق حين تتلاقى نظرات العاشقين بعد فترة
من الفراق

هنا يسكن الحب في الأحداق

هنا مكان الحب وليس في قلوب العشاق

تتظاهر هي بانشغالها عنه وهي ترمقه بطرف لحظها
وبالأهداب يتراقص حُياه في قلبها، توهمه أنها لا تبالي
بوجود عطر أنفاسه في الكون حولها بتجاهله، وهل
كان للكون معنى عندهم في لحظات الفراق؟!

كأنها غريبان لم يلتقيا وتلك هي أول مرة للقاء

يكذبان كي لا يفتضح أمر اشتياقهما في أعين كليهما
للآخر

ولا يعلن أن زفير وشهيق كل نفس منهما يعلن
افتضاح الاشتياق

ما أروع أن يطبع اشتياقه على قلبها قبلة وليس على
يديها

لمساتها تفضحهما، تتصرف أطراف أصابعهم بلا
اكتراث

هو يلمس طرف ثوبها، يخفى بعض من عرى
ملابسها غيراً

وهي تلمس ملابسه بلا إرادة أو وعى

كذب وخداع وهروب تمثيل فاشل من كليهما على
الآخر

وكل من حولهم يرون كيف أن كليهما يريد أن
ينفجر، وينطلق نحو الآخر ويعلن الاستسلام

الكل يقول إنهم يودان لو يختفى كل البشر ولا
يبقى سواهما ولو للحظات، فيتعانقان يث كل
منهم للآخر، بعناق طويل، مدى الاشتياق ولوعة
الاغتراب

ولكن هيهات

شئٌ كُسر بداخلهم يأبى أن يطيع جموح اشتياقهم
الجارف كالفيضان

فيستسلمان في النهاية لوضع كلمات النهاية ختام
اللقاء

كأنهما غريبان والكل حولهما يعرف أنهما حبيبان بل
عاشقان



قلبی وکرامتی وحوارهم الحزین

واحشنى وعائزة اقول لك كلام ما يتقالش إلا قصاد
عينك

وهمسه ما يتحس إلا وإيدى ما بين إيديك

ولمسة منك بكل الحياة

ما هو انت عندى كل الحياة

ولكن ترجع كرامتى تنكد على

تفوقنى من وهم عيشته كثير

وهم انك حيبى

انك هتبقي لى حلم السنين

وافضل اقنع فيها واحايلها واقول لها:

يرضيك تسبى قلبى حزين؟!

تقول لى:

فوقى يا خايبة وهو ده اسمه حبيب؟

حبيب دا إيه اللى يعملك كده

تدی له حب تدی له شوق
وکتیر اهتمام وکمان غرام
وهو یا حیلتي معندوش غیر کلام
ما صعبتش عليكِ لما سابك في وسط الطريق
ماوجعتکیش قهرتی لما رماکِ أنک غریب
طب حتی فاکرة لما انتظرتیه مرات کثیر
سابک لحالك وحیده شریده
وانتِ کنتِ له أقرب حبيب
فوقی بقی هی دی الحقیقه
هو ما یعرفش غیر کده
وکده ما یرضینش
وانا واقفه اتفرج علی قلبی وکرامتی
وحوارهم الحزین

ولا مالكة حل ولا حتى رأى
بادارى دموعى على دا حديث
باقول لنفسى دى بقى أخرة الطريق
دا الحب الى اتمنيته من سنين
ما كنش كده والله ما كان
ولا قلبى حس معاه لحظة ألم
ولا كرامتى داقت معاه يوم ندم
لكن هنعمل إيه فى لعبة الزمن
تديك حبيب أروع حبيب
تشوف على إيديه الهنا
وبرضه تشرب من إيديه فى النهاية الألم



روح متكسرة

بقايا روح متكسرة متنتورة فى الكون مليون حنة

كسرنى ناس

عمرى ما تخيلت إن كسرتى تيجى منهم

قريب وياغريب ومعاهم الى عمل نفسه صديق

واللى مثل على دور الحبيب

واللى جالى يداوى جرحهم

وسابنى فى دمنى غريق

ضيعوا الى يا ربى من روى جمالها

دمروا الى بقايا أى أمل يخلى لدنيتى لزمة

خدعونى واستغلونى

وشافونى زى طفل برىء

ماهانس عليهم يسيبوا له براءته

لا طولت أعيش بالقسوة اكمل

ولا عارفة يا ربى كمان اتحمل

باناجيك وباشكى لك

وبدمع عينى باقول

لك مش مسامحة على وجعى ويأسى الى اتولد
منهم

وسابوه لى يموتني

طالبها يا ربى منك انت الحنين تسامحنى

تصبرنى اكمل فى دنيا غابة ما تتعاش

مع بشر وشها غشاش

يا تاخذنى تريحنى

واكون جنبك وانت عالم بوجعى

وقادر تريحنى

obeikandi.com



انا باكرهك

أيوه أنا أخيراع إيديك عرفت أكره

أكره ضعفى فى حبي

أكره ذلى فى قربك

أكره إنى عرفت الأخلص لى ما يستاهلش أخلص
له

باكرهك بعد ما خلصت فيك كل المشاعر

الى يحب مش ممكن يكره

غلط

الى حب وادى كل حبه

مش باقى عنده إلا الكره فى قلبه

وبرضو هيكون من نصيبك

ازاى أنا كنت راضية

كنت عميا

كنت ساكنة

انت يا دوب كده

والهى بس تنسى ف لحظة

حب سنين يتنسى ف لحظة

أيوه

هى دى الوقت قيمتك

الى ما قدرش حبي

واللى اتلذذ بوجعى

الى ما هانش عليه حتى كلمة يطيب بيها مواجعى

الى شافنى باموت قصاده وسبني امشى

الى عاش دور البرى الطيب الإنسان الحنين

بانت حقيقته

كلها زيف مُحَادَع

اخلع بقى وش البراءة

ولا سيبه ما عادش يفرق

شايفة وشك

شايفة غشك

شايفة أنايتك الى كلت من قلبى

وعمرى أحلى سنيه

انت ازاي قدرت زى الحية

تسكن هنا ف وريدى واتغذى بسمك

كبر حبك جوای

وانت بتتغذى من دمی وحبی واشتياقی

والامل الی یوماتی فیک کان بیکبر

عمری ما تعبتک ف مرة عمري

ولا حیرتک ف لحظه

ولا خلیتک تغیر حاجة ف یومک علشان تشوفنی

كنت انا دایما الی باقدم زی الأم حبی

وحنیتی واهتمامی وقربی

بلا مقابل

لا عمری خد وعد ولا شرطت علیک شرط

کل الی اتمنیته ف قربک

بس

قربك

انى اشوفك بعينى

إيدى تلمس بس إيدك

أقصى طموحى كانت حضنك

كنت بتمتع بإحساس العطاء ليك

جنتى كانت هى نطق اسمك

كانت كل سجدة فيها دعوة ليك

برافو عليك

عملت اللى مش ممكن كنت اتخيل انه يحصل

انى اكرهك

مبروك عليك دنيتك سبتها لك

ويا كُرهى

ويا صوتك

صورتك ذكرياتك حرقها جواى

وهارشها على قبرك فى قلبي

انت ما تستاهلش تانى يكون لك فى قلبى إلا قبرك

أنانى طماع مراوغ ما حبتش طول حياتك إلا نفسك

عيش بقا وياها لوحدك خليها تونس نيتك ويا غدرك

انا كارهة إنى أصلا فى يوم شفتك عرفتك

حسيت كتير بالمهانة ف قربك

وازاى سكت لك سنين

ازاى قبلت تقتل فى كرامتى؟!

ثقتى بنفسى

ازای سلامت لك بایدی مهانتی؟!

روح یا شیخ

یا رب تدوق فی بعدی:

ذلی

وجعی

قهرتی

دمعی

یا رب کل دعوة دعيتها له تبقى ف يوم القيامة في
ميزان حسناتي

وتبقى حجة عليك يتشوى بيها قلبك

يلا روح وانا وانت هنتقابل في يوم قريب

واحد ندمان والتانى كسب نفسه والباقي من عمره



منتظرة رهن إشارتك

لو لقيت حد غيرى يحبك قد حبي

سبينى روح له

وانسى جرحى سد ودنك عن صوت مواجعى

حتى انسى يومها اسمي

اطمس من قلبك بايديك ملامحى

دوس على ذكرياتى وجرحى

وعدى

افتكر بس سعادتك

واللى ممكن يرضى قلبك

أما أنا

سبيك من دمعتى وألمى

انا يادوب كنت وسادة فى يومك لراحتك

مركب شراعه شمس شقت ظلمت بحر ليلك

عشان توصلك لبرك

كنت كرسى تسند عليه فى يوم ضهرك من اللى
واجعك

ورد عطر

روحك المحرومة سنين عشتها قبل

اعتبرنى تذكرة قطر

قطعتها توصلك لمحطة سعادتك

ولو ما لقتش عندها اللى عشته وشفته ودقته عندى

ارجع تانى لحضنى

حضرن أمك ويا أختك ويا بنتك

كلهم هنا ف حضرن حبيبتك

منتظرين رهن إشارتك

obeikandi.com



تانی خدعنی

كل الى وجعنى

انه تانى خدعنى

طب ليه ترضى تانى باللقا

لما انت مش ناوى تكمل

طب كنت صمم

ارفض ابعد

ليه ترضى لى بوصلك

واحيا تانى بقربك

وانسى انى فى يوم سبتك

ورضيت أنا ببعذك

واعيش من جديد الحلم القديم

وتانى

تانى تخدعنى بحبك

تانى تخدعنى بشوقك
والغرام الى ف عيونك
والرقة الى ساكنة صوتك
واحلى ساعات توهبها لى
ولمسة دفا وحنية تغطينى بيها
من ساعات باردة ياما عشتها ف البعد
وساينى وانا بانسج خيوط أحلامى من جديد
وشايفنى بابنى ف بيت ع الورق
هتقطعه انت بايديك
وتطيرنى ويا حروفه
وتعملها فى تانى
وتسيبنى زى كل مرة
بدون مبرر

بدون سبب

يريح قلبى الجريح

الى قتلته مرات ومرات أنت ببعذك

رضيت تانى بقتلى من جديد وبإيديك

ايدك الى عشت فى حضنها أحلى سنين

قتلت فى خلاص الأمل

انا كنت راضية بانى ميتة من سنين

ليه تدينى الأمل

وتحىى نبض قلبى الى اندفن

فى أرض بور من سنين

كنت سيبنى ميتة

وراضية بموتي

ولا تحيينى وتدوقنى جمال انى اعيش

على نبض حبيب

ولما أبدا اقوم من قبرى وأقف ع رجلى

أشم ريحة الحياة بعد ريحة الموت

تجى انت وبإيديك تحدفنى تانى ف قبرى

وتمشى وتسيبني

لا طولت ارجع ميتة وراضية بموتى

ولا هينفع أعيش من غيرك زى العايشين

obeikandi.com



قرانت

هاسيب لك دنيتك اتهنى بيها
لو روحى ف ايدك مش هاشتيتها
اصل الحب لا بيطلب ولا بالغصب يتاخذ م القلوب
اختار براحتك راحتك هتبقى ف ايه
لو قربى أو بعدى دا قرارك بين إيديك
اما انا فخلاص ياما عشت زى دى كثير
لحظات ع إيديك
تحيينى تموتنى بكلمة من عينيك
هابعد وصدقنى وانا مجبرة على تنفيذ قرارك
أصل الى حب وامتلك زى حبك
صعب يحى يوم عليه ويشحته من حروفك
من ساعاتك
انا بره دنيتك وبدون ضغوط
قرر انت عايز ايه



کله عادی

كل شيء في الدنيا بقى عادى

حب عمرك

هيجى يوم ويبقى عادى

حتى ابنك ولا بتتك هتبص لك

كأنك حد عادى

حتى شريك حياتك راح ييجى وقت

وما تحس غير انه بقى فى حياتك

حد عادى

شغلك فلوسك

حتى شكلك بيبقى عادى

وجعك

وفرحك

وياحزنك

على موت قريب

ولا حبيب

بيمر عادى

ما فيش شيء بيستمر حلو ولا مُر

كله بيعدى عادى

تصلى تصوم تؤدى فروضك

وتحس برضوانك عادى

والا القرب منه

هو ده الى مش عادى

هو ده الى لما ليلة تفوت وتقومش تصلى قيام الليل

ويضيع عليك الفجر

ساعتها ما بتقولش عادى

الحقيقة الوحيدة الى صعب يجى يوم

وتحسها انها عادى

انك تتخيل حياتك بدون لمسة رضا

من ربك

تمر عليك وتحسها عادى

ربك بس هو الى مش عادى

والقرب منه ولذته

هو الى ما اتخلقش له فى القلب كلمة عادى



نيران العاشقين

الرقص الملهب بنيران العشق يكوى به جنبات
الأرض تحت أقدامهم

رفقا بأهل الأرض لا نالت عشقكم ولا هدأت سكير
نار حبكم

رويدا رويدا؛ فالأرض والهوى يزداد لهما من
عناقكم

أيا متعاقبين نظرة رحمة لمن حولكم

فنار العشق أعمت أبصارنا ولم تنل منكم ألما

ذابت جلود العاشقين بنارككم

ولا زلتم حيارى هائمين بوجدكم

حذارٍ ملامحكم انصهرت

وأرواحكم ولم يبقَ منها سوى طيف عشقكم

التحمت الروح والجسد

وصرتم كبقايا شمعة ذابت

وبقى منكم لهيب احتراقكم.



الحب حيرة

إذا كان الحب وجعا للقلب طب إليه يارب يطيبه؟!!

لا بقربه فرحانين

ولا في بعده مرتاحين

وأخرتها إليه في الغلب ده

كنت فاكرة زمان إن الحب هو السعادة

ولما دار الزمن اتاريه هو نهاية راحتنا كلنا

نجرى وراه سنين

ولما نلاقيه يلف

يمد إيده يطلع القلب منا ويسكنه

ونلاقى حريتنا بإيدينا فرطتنا فيها لمحتل

عشنا عمر بندور عليه عشان يحتلنا

ونرجع نشكى ونلوم على الزمن

وهو ماله ما بإيدينا سلمنا عمرنا لى ما يملكش
فينا

بس بإرادتنا احتلنا

ملعون دى خدعة

خدعنا بيها سنين عمرنا

لا الحب عمره فرح

ولا القلب خالى هو همنا

obeikandi.com



حذارى من ذاك القناع

إن جاءكَ يوماً وظهر في حياتك فلا تتفاجئ

تلك عادته

سيحدثك ويلفت نظرك فترة طويلة حتى تلمحيه

سيتنظر وقت ضيقك وألمك ويظهر لك جلياً
يحوطك

سبيث لك آلاف الكلمات والأحاسيس

ولحظات الاهتمام بك

حتى تجديه هو اليد التي تظهر لك

من الظلام بالنور الوحيد فتستسلمي

وتبدئي تنظرين له بشكل مختلف

وتعتادين في يومك

وسيقسم لك أنك أول حب حقيقي مر بحياته

وستصدقين

وسيجول في طرقات حياتك

وعمرك ويومك حتى تفيقي

وتجدينه استعمركِ

وأصابك بإدمان استعمارهِ

فلا حيلة لكِ سوى الاستسلام

راضية هائلة سعيدة باحتلالك

فهو قد قدم الكثير

هكذا ستوهمين نفسك

نعم

ومتى كان الشيطان يذكرك بأعمال شيطانية

حتى يلفت نظرك له

وهل المستعمر يقتحم في زماننا البلدان بالحروب؟!

هو قد استعمل مشاعرك وظروفك وألمك ولحظات
ضعفك

قوة لاحتلالك

وستقومين يوما لتستقبلي حبيبك
وتجدي الوجه الحقيقي له
عزيزتي لا تتفاجئي
هاهو قد أزاح القناع عن وجهه
نعم هو ذلك الرجل الذي أمامك
لا تعرفين من هو ولا تصدقين عينيك
وحتى قلبك سيرفض وجوده بشدة
ستتمزق مشاعرك وستنصهرين كقطعة حديد
وستفقدين الأمل
فرفقا بقلوبكم
وإياكم والاستسلام في لحظات الضعف
ضعفك أهون مائة مرة وانتِ بمفردك
ستقاومين وسترجعين أقوى

وستتعلمين درس عمرك

ولحظتها ستكفرين بالحب

وبلحظة الضعف وبالرجال جميعا

وهو في تلك اللحظة

سيكون موجودا في زمان ولحظة ضعف أخرى

لفريسة أخرى

ويستمر في احتلال مدن النساء

obeikandi.com



أه محبوسة

عن آه محبوسة في صدرى من سنين

لو طلعت هتكسر كل الحيطان

كل البيان

هيسمعها أهل السماء من فوق

عن دمة مستخية

واجعة لى روحى

حاشاها لتغرق الكون باللى فيه

فى زمان مغشوش

عن حد عشت عمر ليه

تحميه تخاف عليه

تعليه تديله

ومش عايز مقابل

غير بس رضاه

عشان تعيش بسلام
عن حب بلا شروط
مسروق مالکش فيه
حتى حقوق بتعصر كل يوم فى قلبك
لاخر نقطة دم فيك
عشان تحييه وتموت
عن أمنية واحدة
بس ترتاح بلا حقوق
بأنك تعيش بس بسلام
أو حتى تموت
إن كانت دى هتكون فيها راحتى
أموت وارتاح

obeikandi.com



سأنفض عني غبار غرورك

وسياتى يوم
أنفض عن قلبى غبار غرورك والغباء
وأعمى به عينيك
وتختنق به روحك البلهاء
فهل أنت مستعد
أم خدعتك ثقتك العمياء
بأنك لن تهزم
فى يوم على يد أحد من النساء
زمانك سيولى قريباً
يا هذا استعد لزمن الشقاء
ابحث لك عن مكان جديد
تلملم فيه بعضاً من جروح روحك القادمة
وسيولى على يدى زمن الكبرياء



هتملنی

إياك فى يوم تملني

لو حبي ليك ملا كياني وهزني

هتملني

لو اشتياقي عدى الحدود

وهزمني كبريائي ومحبي

هتملني

لما اقول لك كل شوية من قلبي كلمة باحبك

هتملني

لما اطالبك كل يوم تبعت لى صورتك

هتملني

طب اعمل ايه واشتياقي ليك ما له حدود

هتملني

ممکن فى يوم من كتر حبي ولهفتي

وعطشى لقربك

تزهق وتبعد


هتملنى

obeikandi.com



مش حجر

حد يقول له إني مش حجر
بادوب لو قلبى لمسه بشر
من همسة صمت فى وسط كلامه
بتاخذنى لحد القمر
حساك فيك شيء جديد مداريه
ورا غصن فى شجر
مخيرنى كلامك مغموس بريجة ورد
مالية لى كياني
وباسمع وانا ساكتة خالص
وانا هاموت واسأل ميت سؤال
ولكن هاسيبك تخلص براحتك
لو كانت دى هتبقى راحتك
ولكن برضه خليك رحيم مع حد غرقان
بروعة بوحك وصمتك



ولا فارق

ولا فارق خلاص فارق
ماخذنا خلاص على بُعدك
تعبت اتمسك انا بيك
وانت ولا مرة بتمسك
عمر وبنيعه ليك
ومشاعر بتتهان على ايديك
ولا هامم
جربنا البعد والقرب ميتين مرة
ولا بيغير في قلبك شيء
فكرنا وعملنا ليك كل الى ممكن
والى كان مش ممكن
يكون واهو كان
وبرضه عليك هنّا

حلفت ابعء ولا ارجعشى
وكل مرة قلبى ما يقدرشى
ولا حسيت لحظة بڈل
ما انا م الاول عودتك تاخذ
وما عودتكش ازاى تدى
فمش هالوم النهارده
ع قلب فسده انا بحبى
وتانى هقول انا هابعد
ويمكن فى مرة اقدر على البعد
وما ارجعشى
ما هو لازم فى مرة ربك هيرحمنى
وفى المرة دى هاقول لك شىء
عمرى ما قلته لك

انا ندمانه ع عمر ضيعته
لقلب عمره ما قدرني
انا ندمانه على حلم
على وهم عشته وصدقته
انا ندمانه على إهانة قلبي
من قلب ما يعرفش قيمة قلبي
وفي الآخر هاسيب لك دنيتك
عشها تانى لو حدك
وانا وقلبي مع وجعي هنتصرف
ونتحمل وندعى بحرقه لربنا
المرة دايم نرجعش

ظ

طرز فی آی حد مش حاسس بقیمتنا

طرز فی آی حاجة ترهقنا فی عیشتنا

طرز فی الی خدوا مننا راحتنا

طرز علی الی باعوا عشرتنا

طرز علی الی فاکرین هنموت فی غربتنا

طرز علی قلب ما حسش بحینتنا

طرز علی الی اتغیروا علینا

طرز فی الی مستخسرین فینا فرحتنا

طرز فی الی فاکرین بعادهم

آخر دینیتنا

و لو فی یوم قلبی حن ورضی تانی

طرز ساعتها فی

ملعون أبو اللى يقول يا حب

تضحى وتيجى على نفسك عشانه

وييجى هو يبيعك فى ثانية

ملعون أبو اللى يقول يا حب

تقول اروح له انا مش مهم

استنى انا مش مهم اقدر أنا

تلاقى جحود تلاقى برود

تلاقى غباوة وعدم تقدير

مافيش زيه فى الوجود

ملعون أبو اللى يقول يا حب

تفكر ساعات ازاي ترضيه

وتعمل حاجات عشان تملا عينيه

وتهمل في حقك
وتدوس على كرامتك
والبعيد زى الغريب
لا بيعس ولا يهتم
ملعون أبو اللى يقول يا حب
والهى لاشيلك من قلبى شيلة
واحطك برة كونى
برة يومى
برة عمرى
وارجع واقول
ملعون أبو اللى يقول يا حب

obeikandi.com



أحبك بلا وعى

أُحِبُّكَ بِلَا وَعَى وَلَا إِدْرَاكَ
وَكُلَّ حَوَاسِي تَسْتَسْلِمُ
وَعَلَى أَعْتَابِ قَلْبِكَ الْأَشْوَاقُ تَسْبِقُنِي
لَتَتَهَاوَى عَلَى الْأَقْدَامِ تَتَوَسَّلُ
لَقِيَانَا خَمْرٌ يُسْكِرُنِي بِلَا خَمْرِ
حَلَالٌ فَيْكَ أَنْ أَسْكُرَ
بِلِحْظِ عَيْنِكَ وَرَبِّي أَعْلَمُ
حِينَهَا تَذُوبُ لَمْعَةِ عَيْنِكَ فِي عَيْنِيَّ
مَغْمُوسَةٌ فِي الشَّوْقِ
وَهَلْ يَارُبُّ لِي مِنْهَا سِوَاكَ مُلْجَأٌ؟!
وَمَا لِي حِيلَةٌ فِي هَوَاكَ وَلَا مَهْرَبُ

من احتل الفؤاد بإرادتي له العمر يُذل
فلا الحب له قوانين تخرق
ولا لمن غرس في الروح عشقه منه نتحرر
فيا وحيد قلبي أحبك
حتى وأن لم أجد سببا

obeikandi.com

يعنى إيه أفضل أحبك

وانت عامل نفسك مش هنا
لا ياروحى انسى الكلام ده
مع قلبى ماينفعش كده
أنا حبى نار وإيده
أما حبك ما منوش أى فائدة
اتعدلى شوية حبة
لاحسن فى يوم قلبى يمل
ومنك يستخبى
وساعتها هتعرف يعنى إيه وجع الأحبة
الحب ياروحى وصال واهتمام
أما دلغ وطناش دا ماينفعش فى درب الغرام
ودى نصيحة للى فاكر نفسه قدها
اعقل كده

خايفة عليك من وجع البعاد

صعبان علىّ اشوف دوختك وراى فى كل حنة أعدى
فيها

الحب أجمل قوى لما تحط حبيبك جوة عينيك

لما تحس بأهته محوطاك

فى كل كونك فى لحظة الاشتياق

جرب كده وارجع لحضنى

هتلاقيه بر الأمان

وانا هاستنى هنا كلى اشتياق

والنبى عارفة راجع لى راجع

وكلمة وحشتينى ترج المكان

obeikandi.com



جنتنى حضرتك

أنا قلبى اتوجع من ده جدع
ليلك نهارك جنتنى
مانيش عارفالك
أنا سكة ترضى جناب حضرتك
دلّع فيك وبندلع وبنسامح وبنفوت
بنراضيك ونداديك
علشان نكسب ودك
واشوفنى فى يوم نور عينيك
ومش راضى ومش كافى
طب انا أعمل إيه
راح أخبط راسى خلاص فى الحيط
يمكن تحن من أنتى
باكلم نفسى وانا ماشية

وانا قاعدة

وأنا في وسط الناس خلاص تايه

ومش ناوية اسلم للياس انا رايتي

هافضل وراك لما أجيبك أنا

تسكن هنا في سكتي

يكون قلبي لك بيتك وجنتك

ويكون بُعدى عنك فيه هلاك روحك

وضياع بسمتك

آه من اللى تحب في يوم ملاك

لا هي طالت تطلع معاه في الجنة

ولا بينزل يعيش معاها هنا ع الأرض

obeikandi.com



بس اسكتي

عامل نفسى ما يهمنىش

ولا انتِ فى قلبى

ولا لمسة حاجة فى دنيتى

ما باحبكيش خلاص ما باحبكيش

بس بتونس بقربك

بابقى سعيد وانا حاسس برعشة قلبك

من ضحككتى

من لمحتك لصورتى

أو حرف باكتبه يدخل يد فى دنيتك

اسكتى

خلينا نحس بس

بلاش نسمى الى بنا باسم
متعلقة عينيَّ بصورتك
بافرح بحرف منك عيني تلمحه
بتيجى على بالى كثير
بابقى بابص للبحر والسما
وصورتك فى وسطهم
بس ما باحبكيش
صوتك ماهوش حنين
لكنه يجنن
عاملة نفسك جامدة صحيح
لكنك دايرة من همسى أكيد

هتبعدى

طب يلا ابعدى

جربى هتتعبى

هتجى لى تانى أكيد

أما أنا بصراحة مش عايزك تبعدى

بس ما باحبكيش



آخر نقطة فى الكون

بعيدا بعيدا فى آخر نقطة على الكون
أجلس هناك القرفصاء
وجهى يكاد يلمس الأرض
مغمضة العينين
أستعيد شريط حياتى بمفردى
لماذا هنا وافقت؟
ولماذا هنا رفضت؟
وكيف رضيت بهذا العطاء إلى حد الهوان؟
ولم لم أعتنى بذاك؟
وأين عقلى حينما ارتضيت بهذا؟
وعقلى بركان يفور
كلما شعرت بكم المذلة وإلا هانة التى سمحت بها

لتمر من خلالى لعمرى على ىدى
وتدمع عینای أنهارا بلا توقف
تغرق أرصفة الطريق حولى
وتظهر شمس يوم جدید تطل علىّ أنا وحدى
تندّر بميلاد شخص جدید خلق منى
أنشطر نصفین
ويتسلل منى وحش مشوه العالم وتظهر تفاصيله
تصیینى بالرعب من تلك المخالب هل هى منى أم
منه؟
وأتلقت حولى لا أجد سوى
و تصیینى الفاجعة!!!
إذا أنا أصبحت ذاك المخلوق المتوحش المشوه المنفر
كيف هذا؟!!

فألقِ نظرة إلى نصفى الآخر واجدة


به بقايا براءة من عهد فائت

وأصرخ

ويعلو صوتى حتى يلامس أول سحابة

من إذا سأكون أنا؟!

لا أستطيع تحديد هويتى



فیه حد غیری

حد غيرى خد مكاني
ولا قلبك مش عشاني
قدامى لكن مش معايا
بتقول كلام مش لى انا
لمسة إيديك بتقول حببي
الضى فى عينيك مداري
فاضح سرك المستخبي
مين ساكن فى فكرك
مين غير ملاحك
مش أنا دا حد تانى
اتعودت على بعاى

ووجودى بقى شيء عادى

بتفرج ومستنية وساكتة

حاجة هينطقها لسانك

هتفك سجن كلامك

منتظرة

لحظة إطلاق سراحك وسراحي

obeikandi.com




قلبی ارتوي

نزل حبك على قلبي ارتوت شرايينه
خليك شوية ياما القلب اتوجع
وانت بعيد عن عينه
روحي ردت لى
لما عيني جت قصاص عينه
بلاش البعد ده تانى
حرق فى خضار أرضى وبساتينه
رجعت الفراشات تحلق فرحانة فوق
الورد من تانى
الى طرح من بقايا تراب خطوتك
على أرضها زهر من جديد وردى

نورت شمس حبك في نهاري
من بعد زعلها واحتجابها عني
ولا القمر حالف ليرقص ويانجومي
على دقات قلبي وصوت الضحك
الى على صوتها وصل صداها للسماء
حتى نقوش توبي اتلونت بفرحة لقاءك
تستحلفك بالله
خليك
او عاك تبعد بعيد تاني عني
وعن توبي

obeikandi.com



ورضی عنی زمانی

ورضى عنى خلاص زمانى وهدانى بيك
وده أروع عوض ما حلمتش أنا فى يوم بيه
دا هو دا الحلم اللى فى كُراسى كتبتة يوم
لا هو فى كدا فى الدنيا حب
وله عشق يصادفه قلب
دا أنا وربى باقول فى كل لحظة
اكيد دا حلم
ولا راضى عقلى يصدق
ولا قلبى عايز فيه يفرط يوم
وجالى حبك فى ليلة كده صدفة ولا ع البال
سكن فى القلب دا

والله حاجة كده اروع من الخيال
فيضان عشق وكان مستنى
يروى لى أرضى البور
وساد ليل أخيرا نُور
نور عتمة قلبى الى سكن فيه البوم
ونبت جذور العشق من تانى
وطلع لها ورق أخضر جديد مبدور
وبدأت أحس بجمال زمانى الى كنت انا منه زمان
محروم
لا عايز أفكر
دا حلم ولا واقع؟!
ما عدتش يفرق معايا كتير

كفاية انى عايشة فى حاجة مالية دنيايا

سعاده وافكر ليه

خلاص يا عقلى خد لك أجازة

ويا أحزاني اسكنى فى أرض غيرى

مالك مكان هنا تانى

انا حيت واتحببت



عصفوری الشرید

شايفاك من بعيد من غصن لغصن عمال تطير

بتدور لك ع عش جديد حيران كثير

وكم ان مش سعيد صعبان على

أكيد بقيت يا عصفورى الصغير خلاص وحيد

جرب حب جديد اتمنى لك تبقى فرحان وياه و سعيد

حتى لو حظيت على عش جديد وحييت عصفور
زيك شريد

يا رب تعيش وياه سعيد

لكن خليك فاكر عشى انا اتبنى لك لو حدك

هيسكنه غيرك قريب ساكن جديد

وهاكون انا كمان اكيد وياه سعيد

أصلى لاخنت ولا وجعت حد ولا غدرت زيك بقلب

ولا ضحكت بكلمة الحب الغالية

وخليتها على لسانى ارخص من الصفيح

هاستنى اشوف هتعمل إيه وياك الدنيا من بعدى
هتعرف فعلا تعيش هتسعدك هتحبك اد ما حبيتك
هتكون انت حبها فعلا الوحيد
هترضيك وتداديك وتراعيك
وتتمنى لك الرضا بس لو ترضى
ياريتك معاها ترضى
لا وحياء حبي الكبير
لا هتتعلم تعيش بعدى الندم اكيد
وهتفضل كده على كل غصن تطير
ولا هيكون لك فى يوم عش تانى وحبيب
بعدى اكيد وادى الأيام رايحة وجاية
وهتفرج عليك واكيد
هتصعب على يومها
ولكن انت اخترت دا النصيب

obeikandi.com



لسه فاكر

لسه فاكر لما كنت باقول عليك انتِ

- البنبوناية الحلوة الصغيرة -

الى بتحلى زمانى

كنت بادعى ربى كل يوم تكون روحك

دايما ساكنة هنا جوة روحى

اعرفك انت دى الوقتِ برة حياتى

بعدك عنى خلانى ميتة

باتنفس سكاتى

كان قلبى ساكن جوة منك والنهارده

رجع لى مكسور بيلملم آهاتى

كنت لى معنى السعادة فى وجودك

وف غيابك عمرى ما دوقت لحظة سعادة

باقى منك حبت حاجات على ذكريات

هالمها وبرة عمرى بإيدى هدفنھا بعيد
وانا راجعة راح اقرا على قلبى السلام
والبس بلون غدرك بقلبى سواد
واوعدك لا عمرى تانى هاصدق ولا اعيش بعد حبك
حب تانى
راح اموت من سكات

obeikandi.com



هأبأ من أءبء

راح ابدأ من جديد
أصلها مش مستحيل
هاضحك على اللى فات
ومش هانسى الذكريات
هافتكر بس الحلو اللى عدى
وهانسى الوجع
وهامسح من دنيتى أى آهات
هاقول ياه كانت أوقات
عدت وهاعمل غيرها من سكات
لا عمر حد خلق السعادة لحد
ولا شقاه
هانساك اكيد
وهاعرف أحب من جديد

الدنيا أصلها دروس
وانا اتعلمت خلاص
وهادوس برجلي هادوس
على ألمي
على كل اللي وجعوني هادوس
وهانادي بأعلى صوتي للسعادة
تعالى قوام
هاعمل حروف جديدة
وهاشكل الكون من لون سعادتي
وزي ما عملتك إله
هاخليك ترجع مكانك مع العيد

obeikandi.com



جذور عشقك

لم يمنعني عن قتلك سوى
جذور عشقك فيّ متشعبة
سأنتزعها برفق واحدة تلو الأخرى
وسأصبر عليها كما صبرت عليك يوما
ثم سأغزلها في يدي
ولأحيط عنقك بعقدٍ من هواي
وأقتلك به يوما
من تعلم الحب على يديك والكذب والخداع
سيتفوق يوما على معلمه
هذا وعد مني
فانتظر إنا منتظرون



بسیف الغدر غافلني

أتى لينزع سكين غيرة من فؤادى

وطيّب الجرح

وداوانى بالهوى

وعندما نسيت المي

والتأم جرحي

بسيف الغدر غافلنى

وكنت أظن ان السيف

لم يخلق يوما ليده

وفى قلبى المعافى

وبلا رحمة

شطره نصفين

وتناثرت أشلاؤه

معلنة ذبح الجريح

بيد الطيب

ولا عجب



يا غائبا

يا غائبا ماتت على أعتابه متعة الانتظار
وانتحرت على يديه كل الحجب والأفكار
ما عاد لُبُعدك لذة سوى الانتحار
وليس لدى من أعذار أُسكن بها الاشواق
يا ليت القلب لم يَذُق على يديك روعة الاقتراب
وعاش يسكنه البوم وتنتشر بجدران الخراب
كنت أحيأ بلا آمال وخلقْتَ على يديك الأ٣حلام
فلا عشت الحب ولا ظللت في دنيا الخراب



حَبَّةُ حُب

حَبَّةُ حُبٍّ

نزلوا كده ع القلب فدق

رعشة في صوتي

لما لأول مرة انا قلت

انى باحب

لمعت عيني

ضيها نُور كل الكون

حتى الورد

من فَرَحَة اتجبن

باعت لى بوسة على الخد

كل الكون حاسس بالفرح

عامل زى أهل عريس

واقفين على رجل

وأخيرا انا قلبى هيتهد
لا دمعة فى عين
ولا حتى لحظة حزن
أصل حبیبى أعلن للكل
انى هاکون من اليوم ده نصيبه
راح أشاركه فرحُ ويا الهم
وهاغمض عينى وافتحها
على صورته وبس
هاسمع وحدى كل كلام الحب
هیکون من بقه لى انا وبس

obeikandi.com



أنا مسامحاه

أنا مسمحاه

على أيام حلوة عشتها أنا معاه

أكون خاينة قصاد قلبي

لو جرئت أقول انساه

راح ادور على كلمة غير أنساه

هاقول هاعيش على ذكرى

لأحلى ملاك

ويمكن تكون أحلى أيامي

الى عشتها أنا معاه

راح ادى له أنا حقه من السعادة

الى عشتها معاه

هاقول للناس دا كان روحي

دا ملكنى أحلى الذكريات

دا كان الحاجة الحلوة فى عمرى

وكان يومى وكان أملى

وعمرى فى حُبّه ما قلت الآه

كانت شمسى بتشرق

لما أصحى على سطرين

صباح الهنا على أحلى هنا

عرفت يعنى إيه الدنيا بقى لها طعم

دا لما كنت انا باشوفه

بانسى انى عايشة فى الدنيا

لحظتها باحس

معنى ريح الجنة فى لقياه

ما عرفتش معاه فكرة

إنى ممكن فى يوم انساه

وعشت على أحلام على آمال

على كثير أوهام

لكن راضية بأقل قليل

ما دمت معاه

ودارت بى أيامي

وغاب شمس دنيای

ومرة ف مرة دابت كل أحلامي

وانا باصحي ومش لاقية ولا كلمة

ولا نظرة حب ولا لحظة اهتمام

ومات في أعظم حب عرفه إنسان

لا عمري كرهته ولا فكرت

دا الى زرع حبه

ما بين جفنى وسكن عيني

ربى

والى زرعه ربه ما يقدر يكره إنسان



خليك بعيد

خليك بعيد بُعدك كده أرحم
لا قرب ريح ولا وصل نافع
ولا عادش لى إلا بعادك ويا المواجه
عشت أقول الحب هو السعادة
اتاريه ضرب من الشقا ويا التعاسة
ولما راحت منا السعادة
هنعيش ندور عليها ليه
ماهى جت وراحت معاه
مع السلامة
وليه نتعب قلوبنا
فى قرب وشقا
وبُعد ووجع
خلينا نخف من دا هوى

أصل الحب أصبح خلاص

في الدنيا رمز الشقا

هو الداء ولا سبش دوا

ادمنا إحساسه وقربه

بهذلنا وجوده وبُعدَه

نعيش بقى بلا إحساس

واكيد هنلاقى فى بُعدَه الدوا

حَبَّة بقى نرتاح

القلب وربى انكوى

ملعون ابو اللى يقول يا حب

وم اليوم باعلنها قدامكم

بكفرى بالحب وبالهوى

obeikandi.com



سلامتك

سلامتک یا قلبی

سلامتک یا روحی

من دا غرام

لما عیونی

شافت حبیبی

روحی شهقت

من غیر کلام

خایفة یا عینی

من الملام

ومن الهوی

دابت روحی

وقلبی انکوی

کنت فین

من زمان
القلب اشتاق
لدا دوا
طبيت جرحي
بلمسة إيديك
بنظرة عينيك
سحرتني
اسندني يا قلبي
انا في قربه
ضعت وتوهت
معارفة أنا مين
ولا إيه جابني هنا
سلمت عمري

والله خلاص

مستسلمة ومسلّمة

obeikandi.com

الفهرس

٥	متطرفة فى الحب
٧	أكون أو لا أكون
١١	اشتياق يفضحة العيون
١٥	قلبى وكرامتى وحوارهم الحزين
١٩	روح متكسرة
٢٣	انا باكرهك
٣١	منتظرة رهن إشارتك
٣٥	تانى خدعننى
٤١	قرر انت
٤٣	كله عادى
٤٧	نيران العاشقين
٤٩	الحب حيرة
٥٣	حذارى من ذاك القناع
٥٩	آه محبوسة
٦٣	سأنفض عنى غبار غرورك
٦٥	هتملنى
٦٩	مش حجر
٧١	ولا فارق
٧٥	طرز
٧٧	ملعون أبو الى يقول يا حب

٨١	أحبك بلا وعى
٨٥	يعنى إيه أفضل أحبك
٨٩	جنتنى حضرتك
٩٣	بس اسكتي
٩٧	آخر نقطة فى الكون
١٠١	فيه حد غيري
١٠٥	قلبي ارتوي
١٠٩	ورضى عنى زمانى
١١٣	عصفورى الشريد
١١٧	لسه فاكر
١٢١	هابداً من جديد
١٢٥	جذور عشقك
١٢٧	بسيف الغدر غافلنى
١٢٩	يا غائباً
١٣١	حبة حُب
١٣٥	أنا مسامحاه
١٣٩	خليك بعيد
١٤٣	سلامتك